

viel gesünder/ als wenn man sie sonst auff gemeine Weise absieden
thut. Mag. Joh. V. Vittich. in sua halilog. fol. 19.

Von der Gans.

Eine gebratene lebendige Gans.

Nim eine Gans/ beropffe sie bis an den Hals/ vnd Kopff/ mache rings vmb sie ein Feuer/ nicht allzunaher/ auff das sie nicht ersticke/ sondern das sie allgemach brate. Setze zu ihr ein Gefes voll Wassers/ darunder Honig vnd Saltz vermischet/ damit sie offte möge trincken. Darnach nim Deyffel/ schneide sie klein/ koch sie in einer Bratpfanne/ betreusele offte damit die Gans/ das sie desto ehe gebraten werde/ rücke das Feuer neher zu ihr/ aber doch eile nicht zu geschwinde/ vnd wenn sie anhebet zu kochen/ leuffte sie inwendig im Feuer vmbher/ vnd begehrt zu fliehen/ welches so sie es (von wegen des Feuers) nicht kan zu wegen bringen/ trincket sie ohn vnterlaß/ sich zu erlaben/ vnd zu erkülen: Vnd wenn sie heiß worden/ brät/ vnd kocht sie auch inwendig/ du must aber ohn vnterlaß das Haupt vnd Hals mit einem feuchten schwamm erkülen. Vnd wenn sie anhebt zu fallen/ vnd zu zappeln/ so nim sie hinweg/ vom Feuer/ lege sie in eine Schüssel/ vnd gib sie den Gessen zu essen/ so ist sie gebraten/ vnd lebet noch/ vnd schreyet/ wenn man von ihr schneidet/ welches fast lustig zu sehen.

Alex. Ped. de secret.

Vom Pfawen.

Ein gebratener Pfaw gleich einem lebendigen.

Nim ein Pfaw/ tödte ihn/ schneide ihm die Haut von dem Halse an bis auff den Schwanz/ leichtlich mit einem Messer
M
auff/